



**VANJSKOTRGOVINSKA KOMORA BOSNE I HERCEGOVINE**  
**СПОЉНОТРГОВИНСКА КОМОРА БОСНЕ И ХЕРЦЕГОВИНЕ**

Broj: 01-5-12-4-1114/22

Datum: 18.11.2022.

**PREDMET: Poziv za dostavljanje ponude za uslugu dizajniranja, izgradnje, opremanja, transport, montaže i demontaže kolektivnog štanda za bh. izlagače na sajmu vina i alkoholnih pića ProWein 2023.**

Poštovani,

Vanjskotrgovinska/Spoljnotrgovinska komora Bosne i Hercegovine (VTK/STK BiH) organizira izlaganje bh. kompanija na ProWein sajmu vina i alkoholnih pića, koji će se održati u DÜSSELDORF-NJEMAČKA, u periodu od 19.-21.03.2023. godine.

Sajam ProWein je najveći i najrelevantniji događaj u svijetu vina i alkoholnih pića. Od svog prvog izdanja 1994.g., ProWein okuplja vodeće svjetske proizvođače vina i alkoholnih pića, a sa strane posjetilaca nezaobilazan je za distributere, ugostitelje, hotelijere, malopradavce, enologe i vinske eksperte. Iz godine u godinu broj izlagača i posjetilaca je u stalnom porastu, a visok internacionalni karakter sajma ga izdvaja od drugih sajmova vinske branše. Pored toga, ProWein karakteriše bogata i raznovrsna ponuda pratećih događaja. Posjetioci u Diseldorfu imaju prilike da uživaju u degustacijama i prezentacijama, a dobro raspoloženje i energija prenosi se tokom tri dana sajma na cijeli grad.

S tim u vezi VTK/STK BiH je zakupila prostor za izlaganje u **hali 12 (broj 12A23)** od 51,m2 (dvije strane otvoren štand; 51 sqm; 6 m x 8,5 m ), plan hale i skicu prostora dostavljamo u prilogu.

Za izlaganje na zakupljenom prostoru u organizaciji VTK/STK BiH prijavljene su sljedeće kompanije iz Bosne i Hercegovine:

1. Vinarija Čitluk ([www.vinarija-citluk.ba](http://www.vinarija-citluk.ba))
2. Vinarija Domanica ([www.domano.ba](http://www.domano.ba))
3. Vinarija Fazan ([www.vinarijafazan.com](http://www.vinarijafazan.com))
4. Hepok ([hepok-mostar.ba](http://hepok-mostar.ba))
5. Vinarija Majić
6. Vinarija obitelji Škegro ([www.skegrowinery.com](http://www.skegrowinery.com))
7. Podrumi Manastira Tvrdoš ([www.tvrdos.com](http://www.tvrdos.com))
8. Podrumi Vukoje 1982. ([www.podrumivukoje1982.com](http://www.podrumivukoje1982.com))
9. Podrumi Andrija ([www.podrumiandrija.com](http://www.podrumiandrija.com))

Molimo da dostavite ponudu za: dizajnersko rješenje, izgradnju štanda, opremanje štanda sa potrebnom opremom, štampanje grafičkih elemenata, montažu, demontažu i transport, te vraćanje prostora u izgled površine zakupljene od organizatora sajma.

Zbog ograničenosti prostora za izlaganje po prijavljenoj kompaniji u okviru kolektivnog štanda bh. izlagača, molimo da dostavite ponude za uređenje štanda koje će uključivati funkcionalne pultove za izlaganje proizvoda (Vina) gore navedenih firmi, a shodno njihovim proizvodno/izvoznim asortimanima, voditi računa da svaki pult/firma ima svoj zasebni spiter tj. pljuvaonicu za potrebe degustacije vina, rashladne posude za vina tj. posudu za držanje otvorenih vina sa ledom. Svaka od kompanija treba imati istaknut naziv firme uz logo znak, frižider ispod svog pulta (element pod ključem).

Također, na prostoru za izlaganje potrebno je imati zasebne stolove i stolice za potrebe održavanja sastanaka u toku trajanja sajma, kao i ostavu sa vratima i ključevima, frižiderom, kafe aparatom, vješalicama te korpom za otpad, i jako važno sudoperom. Potrebno je da štand bude na izdignutom podiju od nivoa poda sajma (podest visine 10 cm), kao i da se koliko god je moguće primijeni atraktivan i moderan dizajn.



**Izdvojeno**, molimo Vas da, za potrebe izlaganja svih navedenih kompanija, potrebno je dostaviti dvije različite ponude:

1. Ponuda gdje bi sve kompanije imale svoje pojedinačne pultove sa mini frižiderima,
2. Ponuda gdje bi tri kompanije izlagale samostalno (tri mini pulta sa frižiderima), a preostalih 6 kompanija bi izlagalo na tri pulta, tačnije po 2 kompanije na jednom (kako bi sve firme mogle imati svoj izlagački prostor), za potrebu ideje dostavljanja ponuda za navedeno dostaviti ćemo u prilogu forografiju štanda Slovenije od ovogodišnjeg nastupa, gdje su na jednom štandu bile predstavljene dvije kompanije.
3. Planirajte i viseći element iznad štanda za promociju, koji će na najbolji način istaći i promovisati naš štand i kompanije (elementi koji bi bili potrebni za izgradnju ovog segmenta ćemo dostaviti putem linkova sa zvanične stranice: <https://oos.prowein.de/en/rigging> i <https://oos.prowein.de/en/hanging> ).

**Napomena:**

1. **VTK/STK BiH zbog broja kompanija i dimenzije štanda ne treba imati svoj štand,**
2. **VTK/STK BiH zadržava pravo izmjene vizualnog identiteta.**

Kompletan izlagački prostor treba osmisliti na način da se promovira vinska industrija Bosne i Hercegovine, te istaknuti obilježja države, nazive i logo znakove organizatora i kompanija.

U skladu sa navedenim Vanjskotrgovinska/Spoljnotrgovinska komora Bosne i Hercegovine, poziva Vas, da dostavite ponudu za kolektivni štand sa detaljnim stavkama u ponudi vezano za korištene materijale štanda (čvrsti materijali, ne oktanorm sistem), kao i ostale usluge koje su sastavni dio ponude.

**1. SADRŽAJ PONUDE**

1. Ponuđač je dužan dostaviti kopiju Rješenja o registraciji kompanije, iz koje se vidi da je kompanija registrirana i za obavljanje djelatnosti pod rednim brojem;
  - a. 82.30 – Ogranizacija sastanaka i poslovnih sajmova, a ona po NKD klasifikaciji uključuje organizaciju, promociju i vođenje događaja kao što su poslovni i trgovački sajmovi, kongresi, konferencije i sastanci, sa ili bez usluga osoblja za provedbu i opremanje (sajamskog) prostor.
2. Idejno rješenje/dizajn/nacrt štanda (3D prikaz cjelokupnog izgleda štanda, kao i render tj. realistični prikaz), iz kojeg se vidi da je štand osmišljen na način da predstavlja cjelokupnu vinsku industriju BiH i sve dodatne elemente već navedene gore.
3. Potrebno je da štand bude na izdignutom podiju od nivoa poda sajma, kao i da se koliko god je moguće primijeni atraktivan i moderan dizajn.
4. Specifikacija materijala koji su korišteni (izgradnja štanda mora biti bazirana na čvrstoj gradnji (iverica ili regips paneli), a ne na oktanorm sistemu)
5. Montažu ,demontažu i prijevoz štanda,
6. Dovođenje zakupljenog prostora štanda u prvobitni oblik koji je opremaš preuzeo od organizatora sajma,
7. Specificirati dodatnu opremu koja je uključena u cijenu.

**2. PODNOŠENJE I OTVARANJE PONUDA**

Ponudu obrađenu u skladu sa ovim pozivom ponuđač je obavezan dostaviti najkasnije do srijede, 30.11.2022. godine, do 13:00 sati, lično ili putem pošte u kancelariju br. 19, koja se nalazi na I spratu zgrade Vanjskotrgovinske komore BiH, u zatvorenoj i zapečaćenoj koverti.